



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Conciliorvm Omnivm Generalivm Et Provincialivm
Collectio Regia**

Ab anno DCCCCX. ad annum MLXXIII.

Parisiis, 1644

Capitvla.

urn:nbn:de:hbz:466:1-15625

CIRCA
ANNVM
CHRISTI
1009.

TITVL CAPITVLORVM.

- I. *De Christiana religione promovenda.*
- II. *De sacerdotum & cleri calibatu.*
- III. *Vt Deum unicum colant & diligant.*
- IV. *Vt sage, incantatores, meretrices egregie, & periuri exulent.*
- V. *Vt leges iuste ferantur, & serventur.*
- VI. *Vt nemo vendatur extra partiam.*
- VII. *Vt pro modico delicto nemo moriatur.*
- VIII. *De gradibus matrimonium prohibentibus.*
- IX. *De multiplici pace ecclesia.*
- X. *De debitibus Deo reddendis.*
- XI. *De denario sancti Petri, & ciricksceato.*
- XII. & XIII. *De censu lumina- rium & sepultura.*
- XIV. *De sepulco extra suam parochiam.*
- XV. *De festis & ieuniis.*
- XVI. *De iejunio quatuor temporum.*
- XVII. *De die Veneris ieunanda.*
- XVIII. *De diebus iuridicis & matrimonialibus.*
- XIX. *Vt vidue sint per annum in nuba.*
- XX. *De confessione & pænitentia agendis.*
- XXI. *De verbis & operibus currandis.*
- XXII. *De emendatione pacis, numismatis, &c.*
- XXIII. *De nauali expeditione sub paschate paranda.*
- XXIV. *De militiam detrectante.*
- XXV. *Vt homicida aut peierator coram rege non veniat, prius quam satisfecerit.*
- XXVI. *De vita regis insidiatore.*
- XXVII. *De eo qui forsteal fecerit.*
- XXVIII. *De eo qui monialem aut viduam compreserit.*
- XXIX. *De consilio efferendo Deo & populo probatissimo.*
- XXX. *Exhortatio cum ad ecclesiasticos, tum ad saeculares.*
- XXXI. *Mulcta & compensatio- nespendende ubi delinquitur.*
- XXXII. *Potentes grauius mulctandi.*

C A P I T V L A.

I.

HÆ sunt constitutiones quas tulerunt Angli eruditi, elegerunt etiam & edixerunt, instanterque docuerunt obseruandas. In primis hortantur episcopi, vt qua possumus festinatione a peccatis reuertamus omnes, confessique eadem libentissime, sedulo pariter compensemus, Deum vnicum recte diligamus atque veneremur, religionem vnicam

Concil. Tom. 25.

Hh

Christianam firmiter teneamus, & quamlibet Gen-
tilium superstitionem omni odio explosam fugia-
mus. Consiliis mutuis nobis inuicem opitulemur,
paci & concordiae summopere studeamus, & regi
vnico domino nostro vsquequaque obedientes fi-
delitatem debitam exhibeamus. Decernunt etiam
sapientes, vt abbates & abbatissæ propriam suam
vitam recte disponant, familiamque & conuen-
tum suum prudenter instituant: & vt omnes, cuius-
cumque ordinis fuerint, ad muneris sui rationem
humiliter se accingant coram Deo & mundo; præ-
fertim ministri Dei episcopi & abbates, monachi
& mynecenæ, canonici & nonnæ, ad vitæ se
conuertant integritatem, regulariter viuant, & pro
omni Christiano populo preces fundant solertiſſi-
me. Decernunt vtique sapientes, quod monachi,
qui extra monasterium suum degunt, professio-
nis suæ regulas non curantes, animarum suarum
vtilitati prospiciant, & in monasteria sua cum omni
humilitate reuertentes, peccata sua & violatæ pro-
fessionis crimen serio deplorent: meminerint si-
quidem voti & sponsionis, quibus Deo semet con-
secrarunt. Monachus autem, qui monasterium
non habet, conferat se ad diœcesis episcopum,
& coram Deo & hominibus probum se & candi-
dum confirmet; tria saltem se exinde obseruatu-
rum, scilicet castitatem, habitu vestiri monachali,
& qua melius poterit in seruitio Domini permane-
re. Hæc qui præstiterit, dignior habebitur, & in
maiori precio vbiicumque venerit. Canonicis ho-
nori fuerit, si commeatum in refectorio, som-

vt ordina-
ti munera
sua exe-
quantur.Monachi
cœnobita.Monachi
non cœno-
bita.

CIRCA
ANNVM
CHRISTI
1009. num in dormitorio capescentes, monasterium te-
neant in castitate iuxta regulæ suæ rationem, &
vt iustum est. Hoc si non fecerint, honore suo spo-
liantor.

II.

Omnis ministros Dei, præsertim sacerdotes, ob-
secramus & docemus, vt Deo obedientes castita-
tem colant, & contra iram Domini se hoc modo
muniant & tueantur. Certius enim norint quod
non habeant debite ob aliquam coitus causam vxo-
ris consortium. In more tamen est, vt quidam duas, Quidam
plures ha-
bent.
quidam plures habeat; & nonnullus, quamuis eam
dimiserit quam nuper habuit, aliam tamen ipsa vi-
uente accipit, quod nulla Christianorum lege est
permissum. Dimittens autem & castitatē recolens,
e cælo assequetur misericordiam, in mundo etiam
venerationem, adeo vt iuribus & tributis habeatur
thani dignus, cum in vita tum in funere. Qui autem
ordinis sui regulam abdicauerit, omni cum apud
Deum tum apud homines gratia exuatur.

Vt sacerdo-
tes vxorem
non ducāt.

Sacerdos
celebs pat-
et thano.

III.

Volumus etiam & obsecramus omnes amicos
nostros, & populum vniuersum, vt assidue discant
Deum vnum intimo corde diligere, & Gentilium
superstitionem sedulo effugere.

IV.

*necro-
mantiam Sagas, incantatores, artem ^{*} scm exercentes, me-
trices egregias, mortem induentes, & peieran-
tes, tamquam terra indignos e terra proiicite, vt pu-
rior sit deinceps populus; vel terra exeant cum suis
omnibus, ni pœnitentiam egerint abundantius.

Concil. Tom. 25.

H h ij

V.

Sapientes etiam decernunt, vt leges quique co-
ram Deo & hominibus æquas statuant & tueantur:
iniquas autem omnino deleant, iustitiam pauperi
atque diuiti pari exhibentes lance, & pacem insu-
per & concordiam pie in hoc sæculo coram Deo
& hominibus retinentes.

VI.

Sapientes etiam decernunt, vt nemo Christia-
num & insontem precio tradat extra patriam, præ-
sertim in Pagani alicuius seruitium: caueat autem
diligenter ne illam animam perdat quam Dominus
noster Iesus Christus suo sanguine mercatus est.

VII.

Sapientes etiam decernunt, vt pro delicto mo-
dico nemo Christianum morti adiudicet, sed in mi-
sericordia potius leges administret ad utilitatem po-
puli, & non pro modico eum perdat, qui est opus
manuum Dei, & mercimonium eius magno com-
paratum precio. De quolibet autem criminе ac-
curatius decernito, sententiam præbens iuxta fa-
ctum, mercedem iuxta meritū, ita scilicet vt secun-
dum diuinam clementiam lenis sit pœna, & secun-
dum humanam fragilitatem tolerabilis. Propensius
etiam reminiscatur qui in alium iudicium tulerit,
Matt. 6. quid a Domino petat ipsem, cum in hunc mo-
dum dicit: *Et dimitte nobis debita nostra*, & reliqua.

VIII.

Instantius etiam docemus, vt Christianus quili-
bet illegitimos fugiat concubitus, legemque Chri-
stianam recte teneat. Nec permittatur vñquam vt

CIRCA
ANNUM
CHRISTI
1009.

Christi fide imbutus intra spatium sexti hominis suæ consanguinitatis vxorem ducat, id est intra quartum gradum seu geniculum; neque cuiuspiam viduam, qui pari fuerit proximitate in mundana cognatione, nec vxoris quam habuerat prius neptem seu propinquam, nec sanctam aliquam monialem, nec susceptricem suam e sacro fonte, nec repudiatam quisquam Christianus habeat in vxorem, nec vxorem aliam capiat dum vnam habuerit, sed donec vixerit sit illa vnicum, si diuinam legem ille recte curauerit, & animam suam a gehennæ ignibus liberauerit.

IX.

Fruatur vnaquæque ecclesia pace Dei, pace regis, & pace omnium Christianorum. Sit pax vniuersitatis ecclesiæ intra parietes, & pax manu regis data usquequaque sit iniuiolata. Nemo dehinc in posterum ecclesiæ seruitium imponat, nec clientelam ecclesiæ iniuriis afficiat, nec ministrum ecclesiæ eiiciat, inconsulto episcopo.

X.

Iura Deo debita vnuſquisque annuatim recte pendito: aratri scilicet eleemosynam decimaquinta nocte a paschate: fetuum seu nouellorum gregum decimas ad pentecosten, & terræ fructuum ad festum omnium sanctorum.

XI.

Census Romæ debitus [quem denarium sancti Petri vocant] ad festum S. Petri ad vincula (alias Missam Petri) persoluatur: & ecclesiæ census, qui cyrck sceat appellatur, ad Missam sancti Martini.

H h iij

XII. & XIII.

Luminarium census ter quotannis penditor.
Sed æquissimum est, vt animæ symbolum (quam
pecuniam sepulcrale nunc vocant) semper de-
pendatur, cum sepulcrum sit effossum.

XIV.

Sepultus
extra paro-
chiam. Et si corpus aliquod extra suam parochiam quis
posuerit, soluat nihilo minus pecuniam (quod
symbolum animæ dicitur) illi ecclesiæ cui corpus
famulabatur viuens, & omnia quæ vel Dei sunt, vel
ad ipsum pertinent, accuratius (vti par est) pacem
habeant.

XV.

Festivitates & ieunia debite tenentor. Festi-
vitatem diei solis, prout ad eamdem pertinet,
feruentius quisque obseruato. A mercaturis &
conuentibus populi, [puta sæcularibus & forensi-
bus] a venatione etiam & mundanis operibus,
Dies sanctæ
Marie. in sancta illa die sedulus abstineto. Sanctæ Mariæ
summum festum omnes cautius honoranto: pri-
mum ieunio, & deinceps celebritate. Singulorum
Apostolo-
rum. quoque apostolorum festivitates religiose quisque
celebret ieunio, præterquam Philippi & Iacobi,
Philippi &
Iacobi die
non ieju-
nandum. quibus propter paschatis gratiam & celebritatem
ieiunium non indicimus, nisi voluntarium. Ce-
tera omnia festorum ieunia quisque teneat diligenter ad eorum exemplar qui hæc optime obser-
uauerint.

XVI.

Et ieunia quatuor temporum, (quæ *Imbren* vo-
cant) & cetera omnia, prout sanctus Gregorius
genti imposuit Anglorum, conseruantor.

CIRCA
ANNUM
CHRISTI
1009.

CIRCA
ANNUM
CHRISTI
1009.

XVII.

Quaque etiam die Veneris ieiunandum est, nisi festum sit.

XVIII.

Ordalii præterea & iurisiurandi administratio, nec non & matrimonii celebratio, in festis solennibus & ieiuniis quatuor temporum semper prohibentur: & ab aduentu Domini ad octauas usque epiphaniæ, & a septuagesima ad quintamdecimam noctem ultra pascha, sit interuallum illud tempus sanctum: ita scilicet ut pax & concordia, vti decet, inter Christianos habeantur, & omnis dissensio componatur. Et si quis alteri ex fideiussione quid debuerit, aut rei alicuius mundanæ satisfactionem, studiose iam persoluat, aut mox postea.

XIX.

Viduæ ad minus bis senos menses sub præsidio Dei atque regis pura se contineant viduitate, deinceps virum eligant ut voluerint.

XX.

Vnusquisque Christianus (prout fidei suæ in primis necessarium est) Christianitatem suam cureret diligentius, & frequenter adeat confessionem, & pudore posito sua confiteatur peccata, & quam ei imposuerit sacerdos emendationem sedulus exequatur. Reuerenter etiam præparatus quisque ad- eat sacram eucharistiam, quando ad arbitrium ei videbitur maxime necessarium, saltem ter quotannis.

Eucharistia
ter in anno
admodum.

XXI.

Verba & opera (ut amicos decet) recte quisque disponat, & iusiurandum paetamque fidem caute

Fides paet
tenenda.

Iniustitia
abolenda.
Et opera
dolosa.Et diaboli-
ca.Deum in
omnibus
colendum.

Pacis.

Numismata-
tis.Mensura-
rum &
ponderum.Opidorum,
pontium,
& de expe-
ditione.

teneat. Omne etiam iniustitiam e patriæ finibus, qua poterit industria, quisque eiiciat. Opera dolosa & exosas omnes iniquitates quisque sedulus abicit: iniusta nempe pondera, iniquas mensuras, falsum testimonium, pugnas & contentiones sceleratas, illicitos etiam concubitus, & periuria formidanda. Opera item diabolica, cum in clandestino, tum in alio quoquis homicidio, in furto & in in auaritia & concupiscentia, in gula & ebrietate, in seditione, in multiplici legum violatione, in violatione coniugii & sacri ordinis, festorum, & ieiuniorum, in sacrilegio, & plurimis gentium malefactis. Nouerit enim unusquisque, horum nihil unquam fouendum esse, sed studiosius euitandum: diligatque hinc in posterum omnia summo desiderio quæ ad Deum pertinent, cum in verbis, tum in factis: sic populus hic noster diuinam citius consequetur misericordiam.

XXII.

Quoad pacis violatæ & corrupti numismatis emendationem, omnes studiosius incumbamus; ita scilicet pacis emendationi, vt cuique patrifamilias optatissima sit, furibus autem infensissima. Numismatis vero correctioni, vt unus atque idem numerus per omnes istas transeat regiones absque aliqua falsitate. Pondera & mensuræ ad iustum habent regulam, & iniquum quodlibet ex hinc deleatur. Vrbium, opidorum, arcium atque pontium instauratio sedulo fiat, prout opus fuerit: militaris etiam & naualis profectione, vti imperatum est, ob viuercalem utique necessitatem.

XXIII.

XXIII.

Cauendum etiam est, vt celerius post paschatis festum naualis expeditio annuo sit parata. Si quis nauem in reipublicæ expeditionem designatam vi-
tiauerit, damnum integre restituto, & pacem regis violatam compensato. Si vero eam ita prorsus cor-
ruperit, vt deinceps nihil habeatur, plenam luito iniuriam, & laſam præterea maiestatem.

XXIV.

Si quis de profectione militari, cui rex intererit, sine licentia se subtraxerit, in detrimentum corruat omnium fortunarum.

XXV.

Et si quis qui homicidium perpetrauerit occul-
tum vel manifestum, siue etiam periurium, præsu-
mat in regis præsentiam peruenire, priusquam pœ-
nitentiam egerit coram Deo atque sæculo, hono-
re suo & omnibus facultatibus plectitor, nisi in hoc etiam veniam obtinuerit.

XXVI.

Si quis vitæ regis insidiabitur, sui ipsius vitæ dis-
pendio, & quas habet rebus omnibus pœnas lui-
to. Sin negauerit, & purgationem qua licuerit ex-
petierit, solenniori eam faciat iuramento, vel or-
dalio triplici, iuxta legem Anglorum, & in Dano-
rum lege, prout ipsa statuit.

XXVII.

Si quis Christi legibus siue regis se nefarie op-
posuerit, capit is plectitor æstimatione, vel multa
alia pro delicti qualitate. Et si mortem resistendo
sui ipsius culpa sibi met induxerit, inultus iaceat.

Concil. Tom. 25.

Ii

Nauem e-
iusmodi
corrumpe-
nis pœna.

XXVIII.

Si quis monialem vitiauerit, aut in stupro viduæ
vim intulerit, grauissime apud Deum atque homi-
nes compensato.

XXIX.

Scrutari oportet diligentius vnumquemque
modis omnibus, quonam pacto illud ante omnia
efferatur consilium quod populo habeatur utilissi-
mum, & vt recta Christi religio maxime proueha-
tur, iniustumque quodlibet funditus extirpetur.
Hæc enim in rem fuerint totius patriæ, vt iustitia
conculcetur, & iustitia coram Deo & homini-
bus diligatur.

XXX.

Ad ecclesi-
sticos pro
castitate &
orationi-
bus.

Ad secula-
res, vt refi-
piscant.

Deum, fi-
dem, ver-
bum, co-
ulant.

Nunc autem ministros Dei solicite monebi-
mus, vt sui cautius reminiscentes, & cælesti fulti
adiutorio, castitatem colant, libris & orationibus
sedulo indulgeant, noctesque diesque Christum in-
uocent frequentius, & pro omni populo Christia-
no vehementius intercedant. Sed & iterum atque
iterum amicos obtestamur vehementius, (quod &
nobis metipis maxime interea necessarium est cre-
bro facere) vt a peccato quisque cogitet sedulus
resipiscere, &, qua poterit, aliorum cohibere ini-
quitates. Illud denuo reminisci, quod hominibus
maxime necessarium est frequentissime remini-
scendum; hoc est, vt sinceram fidem vnanimiter
habeant in Deum verum qui omnes fecit & gu-
bernat creaturas: vt rectam fidem Christianam re-
cte teneant: doctores verbi Dei diligenter audiant,
doctrinamque & præcepta sua studiose insequan-

CIRCA
ANNO
CHRISTI
1009.
tur: vt in ecclesia Dei pacem tueantur & tranquilitatem, oblationibus eam salutantes & luminibus, ibidemque Christo preces anxius effundentes: vt Deo debita Deo debita
annuatim Deo debita recte pendant, & festa & ieiunia recte etiam obseruent: vt in die solis omnem Diem solis
mercaturam conuentusque populares fugiant studiose: vt Dei ministros semper tueantur & honorent: vt Dei pauperes foueant & pascant: vt vi- fandū
duam aut orphanum non lacestant, diligentius au- Diem solis
tem consolentur: vt peregrinos atque aduenas ne- fandū
que vexent, neque grauamine afficiant: vt iniuriā Diem solis
aliis non inferant de industria, sed hoc alteri fandū
vnusquisque faciat quod sibi fieri voluerit, prout Diem solis
iustum est. Hæc quidem lex æquissima.

XXXI.

Curæ etiam vnicuique sit in posterum ne diuinam legem violet aut humanā. Qui vero in hoc deliquerit, illic compensato studiosius vbi contigerit deliquisse; tam secundum emendationem ecclesiasticam, quam secundum leges sacerulares. Multæ & animaduersiones ex delictis prouenientes aduersus Deum patratis, (etiamsi a sacerdotali magistratu impositæ) iuxta episcoporum constitutionem, omnino pertinent ad orationes comparandas, pauperumque commodum promouendum, ad ecclesiarum instaurationem, & ad populum Dei erudendum, vstiendum, & pascendum, ad libros, campanas, & vestimenta ecclesiæ suppeditandum; nunquam vero ad mundanas exequendum vanitates, sed in pios usus, & ad virorum sacerdotalium instructionem, erogandæ. Quidquid scilicet peruerterit

Ad ecclesiā pertinēt quæ in causa ecclie etiam a laicis impōnuntur.

Et cuiuscumque sint genetis.

Concil. Tom. 25.

Iij

alias ex multa simplici, alias e capitibus aestimatione,
(quam virgildum nuncupant) alias ex poena seu
animaduersione * colli obstricti, alias ex multa le-
gis violatæ, alias ex honoris seu facultatum iactura,
alias maiori, alias minori.

XXXII.

Potentio-
res grauius
multandi.

Quilibet
iuxta con-
ditionem
suam.

Voluntas &
necessitas
consideran-
dæ.

Misericor-
dia in om-
nibus adhi-
benda.

Et ut quisquis fuerit potentior in hoc saeculo,
vel per scelera euectus in altiore gradum, ita gra-
uius emendabit peccata sua, & pro singulis malefa-
ctis poenas luet grauiores. Propterea, cum dissimi-
les omnino sint potentes atque impotentes, iustum
est ut illis simile non imponatur onus, nec infir-
mis aut inualidis ut valentibus: sed tum in poenis
ecclesiasticis iniungendis, tum in legibus saeculari-
bus exequendis, moderandum semper erit & distin-
cte discernendum; scilicet inter senes & adolescentes,
inter diuites & egenos, inter sanos & infirmos,
& similiter in aliis ordinibus. Et si acciderit ali-
quem contra voluntatem suam, vel forte fortuito,
delictum aliquod perpetrare, similiter non in eum
est animaduertendum ac si voluntarie hoc fecisset
& de industria. Quicumque enim necessitate pul-
sus in aliquo deliquerit, melius semper & clemen-
tius iudicandus est, ex ipso hoc quod ex necessitate
factum perpetrauerat. In quo quis igitur facto cau-
tius discernendum est, iudiciumque iuxta factum
recte moderamine disponendum, merces iuxta me-
ritum, quoad Deum, quoad saeculum. Dei igitur
timore commotus, quisque clemens atque mitis
esto, misericordiam (prout opus fuerit) recte dis-
tribuens: nobis enim omnibus maxime expedit,

CIRCA
ANNVM
CHRISTI
1009.

• 1009. •

• CIRCA
ANNVM
CHRISTI
1009.

JOANNES
P. XVII. AENHAMENSE. HENRICVS II. IMPERATOR.
ÆTHELREDVS R. ANGLIÆ.

253

CIRCA
ANNUM
CHRISTI
1009.
vt Dominus noster saepius atque iterum clem-
tiam suam largiatur. Amen.

CONCILIVM AENHAMENSE

IVXTA ALIVD EXEMPLAR.

PRÆFATI O.

QVODAM tempore contigit ut regis Æthelredi editio
concrepante, archipræsumque Ælfeahi & Vulf-
stani hortatu instigante, vniuersi Anglorum optimates die
sancto pentecostes ad locum ab indigenis Eanham nomi-
natum acciti sunt conuenire. Collecto itaque ibidem
Christicolarum Coetu venerabilium quamplurimorum,
de catholicæ cultu religionis recuperando, deque etiam
rei statu publicæ reparando vel consulendo, plura & non
pauca, vt pote diuinitus inspirati, ratiocinando sermoci-
nabantur. Denique in eorumdem synodalis exordio ser-
mocinationis, episcopi semetipsos primitus fidei speique
& caritatis, quatuorque principalium virtutum, pruden-
tiæ videlicet & iustitiæ, fortitudinis quoque & temperan-
tiæ decore adornari, mutuis colloquiorum instructio-
nibus salubrium inuicem cohortabantur, statueruntque
pro inuicem quotidianam interuentione, atque pactum
pacis & concordia fideliter firmiterque inter se confir-
mabant.

Causa hu-
ius Concilii.

SYNODALIA DECRETA.

I.

Omnem quoque populum monebant, vnum
regem sub vnius cultu religionis Christianæ, super-
stitionis ritu fanaticæ omnimodo abiepto, & ti-
mere & diligere. Deinde vniuscuiusque ordinis,
vel sexus, vel ætatis cateruam accitam assistentem-
que, vt iuxta legis sanctiones catholicæ suam so-
brie & iuste ac pudice in hoc sæculo vitam insti-
tuerent, suggestionibus multimodis secundum

Regem &
religionem
colendos,
populum
infruen-
dum.

Ii iij